

Broj: 02-05-2280/17
Lukavac, 25.12.2017.godine

Na osnovu člana 70. Zakona o javnim nabavkama („Sl. glasnik BiH“, broj: 39/14) u postupku nabavke robe za elektrifikaciju stambenih jedinica raseljenih osoba i povratnika “ZPE12-13”, Općinski načelnik d o n o s i

ODLUKU o poništenju

Član 1.

Poništava se postupak javne nabavke robe za elektrifikaciju stambenih jedinica raseljenih osoba i povratnika “ZPE12-13”, jer ni jedna od primljenih ponuda nije prihvatljiva.

Član 2.

Ova odluka objavit će se na internet stranici ugovornog organa (www.lukavac.ba), u skladu sa članom 70.stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 4.

Ovom odlukom stavlja se van snage odluka, broj: 02-05-2280/17 od 11.12.2017.godine.

O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-2279/17 od 05.10.2017.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 10.427,35 KM.

Obavještenje o nabavci broj: 719-1-1-76-3-51/17 objavljeno je na Portalu javnih nabavki dana 06.10.2017. godine.

Komisija za provođenje postupka nabavke imenovana Rješenjem broj: 02-05-2408/17 od 18.10.2017.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-2280/17 od 30.10.2017, zapisnik o pregledu i ocjeni ponuda nakon održane e-aukcije broj: 02-05-2280/17 od 07.11.2017. godine, Preporuku o izboru najpovoljnijeg ponuđača broj: 02-05-2280/17 od 07.11.2017. godine i Izvještaj o radu broj: 02-05-2280/17 od 07.11.2017. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da su ponude ponuđača ELEKTROCENTAR PETEK doo Tuzla i ORBITER doo Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;

Imajući u vidu naprijed navedeno, općinski Načelnik je dana 08.11.2017.godine donio Odluku, broj: 02-05-2280/17, kojom Ugovor za javnu nabavku robe za elektrifikaciju stambenih jedinica raseljenih osoba i povratnika “ZPE12-13” dodjeljuje ponuđaču ORBITER doo Tuzla, za ponuđenu cijenu u vrijednosti od

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

10.400,00 KM bez PDV-a, kao najpovoljnijem ponuđaču, sa napomenom da je izabrani ponuđač dužan da u roku od 7 (sedam) dana od dana dostavljanja Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12.2. od a) do d) Tenderske dokumentacije, broj: 02-05-2280/17, te da, ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

Kako izabrani ponuđač nije u ostavljenom roku postupio u skladu sa Odlukom, broj: 02-05-2280/17 od 08.11.2017.godine, odnosno nije u ostavljenom roku ugovornom organu dostavio traženu dokumentaciju, Komisija je u skladu sa članom 68. stav.1. Zakona o javnim nabavkama BiH odbacila ponudu ponuđača ORBITER doo Tuzla kao neprihvatljivu.

Također, Komisija je utvrdila da ponuđena cijena drugorangiranog ponuđača premašuje procijenjenu vrijednost nabavke. S tim u vezi, Komisija se dana 23.11.2017.godine obratila Općinskom načelniku zahtjevom, broj: 02-05-2280/17, kojim traži saglasnost za povećanje Budžeta. Dana 08.12.2017.godine, Služba za urbanizam, prostorno planiranje i investicije dala je saglasnost na nastavak provođenja postupka javne nabavke za realizaciju projekta elektrifikacije stambenih jedinica povratnika i raseljenih osoba „ZPE 12-13“ u naselju Panjik, općina Lukavac, budući da su nedostajuća sredstva, neophodna za okončanje postupka predmetne javne nabavke, obezbijeđena na poziciji 615 211 - 1. podrška održivom razvoju, te je Komisija predložila ugovornom organu da u skladu sa članom 72. stav 3. tačka b) Zakona o javnim nabavkama BiH i tačkom 12.2. tenderske dokumentacije ugovor dodijeli drugorangiranom ponuđaču ELEKTROCENTAR PETEK doo Tuzla, te da stavi van snage odluku o izboru najpovoljnijeg ponuđača broj: 02-05-2280/16 od 08.11.2017.godine.

Općinski Načelnik je dana 11.12.2017.godine donio Odluku, broj: 02-05-2280/17, kojom Ugovor za javnu nabavku robe za elektrifikaciju stambenih jedinica raseljenih osoba i povratnika „ZPE12-13“ dodjeljuje drugorangiranom ponuđaču ELEKTROCENTAR PETEK doo Tuzla, za ponuđenu cijenu u vrijednosti od 11.432,59 KM bez PDV-a, sa napomenom da je izabrani ponuđač dužan da u roku od 7 (sedam) dana od dana dostavljanja Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12.2. od a) do d) Tenderske dokumentacije, broj: 02-05-2280/17, te da, ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, postupak dodjele ugovora za javnu nabavku bit će poništen.

Kako izabrani ponuđač nije u ostavljenom roku postupio u skladu sa Odlukom, broj: 02-05-2280/17 od 11.12.2017.godine, odnosno nije u ostavljenom roku ugovornom organu dostavio traženu dokumentaciju, Komisija je u skladu sa članom 68. stav.1. Zakona o javnim nabavkama BiH odbacila ponudu ponuđača ELEKTROCENTAR PETEK doo Tuzla kao neprihvatljivu.

U daljem postupku, Komisija je utvrdila da nema kvalifikovanih ponuđača, te je odgovornoj osobi ugovornog organa dala preporuku da se u skladu sa članom 69. stav 2. tačka d) Zakona o javnim nabavkama postupak nabavke poništi, kao i da stavi van snage odluku, broj: 02-05-2280/16 od 11.12.2017.godine.

Ugovorni organ je prihvatio prijedlog Komisije i odlučio kao u dispozitivu ove Odluke.

Iz navedenih razloga, primjenom člana 69. stav (2) tačka d) Zakona o javnim nabavkama, člana 25., člana 70. stavovi (1), (4) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine, riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. ORBITER doo Tuzla;
2. ELEKTROCENTAR PETEK doo Tuzla;
3. Evidenciji;
4. Arhivi.

OPĆINSKI NAČELNIK
Dr. Sc. Edin Delić

